



IHUEYTLANAHUATL MEXIHCO HUEYALTEPETL NÁHUATL



GOBIERNO DE LA
CIUDAD DE MÉXICO

SEPI



Traducción

Fausto Aguilar Domínguez

Agradecimiento

Escritores en Lenguas Indígenas A.C. (ELIAC)



**IHUEYTLANAHUATL
MEXIHCO
HUEYALTEPETL
NÁHUATL**

SEPI

Secretaría de Pueblos y Barrios Originarios
y Comunidades Indígenas Residentes



Claudia Sheinbaum Pardo

Jefa de Gobierno

Rosa Icela Rodríguez

Secretaría de Gobierno

Larisa Ortiz Quintero

Secretaría de Pueblos y Barrios Originarios
y Comunidades Indígenas Residentes

Almudena Ocejo Rojo

Secretaría de Inclusión y Bienestar Social

2019

Secretaría de Pueblos y Barrios Originarios
y Comunidades Indígenas Residentes

<https://www.sepi.cdmx.gob.mx>



IC ACHTO TLAXELOLLI	8
IC OME TLAXELOLLI	9
IC YEI TLAXELOLLI	19
IC NAHUI TLAXELOLLI	24
IC MACUILLI TLAXELOLLI	28
IC CHICUACE TLAXELOLLI	46
IC CHICOME TLAXELOLLI	47
IC CHICUEYI TLAXELOLLI	48
OCCEQUIN TLAXELOLMEH.	48



In quexquichcauh maniz cemanahuac, aic tlamiz, aic
polihuiz, in itenyo, in itauhca Mexihco Tenochtitlan
“En tanto que dure el mundo, no acabará, no perecerá la
fama, la gloria de México Tenochtitlan”
Tenoch, 1325.



Inin Tohueytlanahuatil tlen coyotlahtolcopia itoca Constitución Política de la Ciudad de México omonexti ipan Diario Oficial de la Federación huan Gaceta Oficial de la Ciudad de México, ipan domingo 5 de febrero de 2017. Quipia chicueyi itlaxelol: principios constitucionales, carta de derechos humanos, desarrollo sostenible de la ciudad, ciudadanía y ejercicio democrático, distribución del poder, buena administración, relación con el gobierno federal y reformabilidad, progresividad e inviolabilidad de la Constitución.

IC ACHTO TLAXELOLLI.

Inin Ic Achto Itlaxelol Tohueytlanahuatil quitenehua nochí huan cehce tlanahuatilmeh, inon quihtoznequi nochí itzintiliz huan itlanahuatilhuan inon amoxtli ica tlen cualli tlanahuatiloz Toaltepetzin. Noyuhqui moihtoa quenin monequi cualli tlanahuatiloz Toaltepepan, ipampa itzintiliz inon tlanahuatihcayotl yehhua zan altepetl huitz huan inon tlanahuatihcayotl coyotlahtolcopia itoca “republicana democrática, representativa, laica y popular”, yehica ouhpa moxehxeloa ihuelitiliz: pluralismo político huan participación política.

Moyolcelia ica Toaltepetzin quipia tlatlaman tlahtolli, nepapan tlacah huan noihqui tlatlaman yuhcatiliztli, iminaxca ichanehcahuan, ialtepehuan, ihuehuecalpolhuan huan imacehualhuan. Noihqui moyolcelia ica cencá cualli ica nican ahcitihue nepapan tlacah tlen nohhuiyan totlalticpac huitzeh ipampa nican quiahcin ce cualli chantli. Momahuiztilia iminmelauhcayo nochtin tlacah ipampa ihcon cualli tlanahuatiloz nican Toaltepetzin huan noihqui monequi



ce melauhcayotl ica tlen cualli huan yectli tlanahuatiloz,
amo cenza mopoloz tomin, mah chipahuac
centequitiloz, noihqui mah mopohua iminnekancuiliz
altepechanehque, mah moixpantilican huan mah
centequitican.

IC OME TLAXELOLLI.

Itoca Carta de Derechos Humanos huan quipia ome itlaxelolpil.

In Tlaxelolpilli I quitenehua tlen quihtoznequi huan
quenin moahcicamatiz iminmelauhcayo nochtlacah,
ipampa nochtin tlacah quipixtoque iminmelauhcayo
tlen moahci ipan tohueytlanahuatil tlen itoca
Constitución Política de los Estados Unidos Mexicanos,
noihqui moahci ipan occequin tlahtolnamiquiliztli
in canin Mexihco itech pohui, moahci ipan inin
Tohueytlanahuatil huan noihqui imintlanahuatil
occequin itlanahuatil cehce altepemeh.

In tlaa motemoz mah moahcicamati huan mah
moahxilti iminmelauhcayo nochtin tlacah,
achto monequi titlanemilizque ica achtohui
itlacatiliz in tlacatl ye quipia imelauhcayo huan
amo huel ixtlahueliloz nion ce tlacatl, nochipa
mopohuazque nochtin, zan ihcuitic nemizque, cenza
nepalehuilozque cocone, pipiltin, ichpocameh
huan telpocameh, nohhuiyan huan nochipa
necuitlahuilozque, mahuiztililoz iminyuhcatiliz huan
iminneizcaltiliz. Inon melauhcayotl quipiazque
nochtin huan cehce tlacatl, nohhuiyan quipiazque,
tlatlaman altepenechcolmeh quitemozque mah
moahxilti, nochtin tlacah centequitizque huan
quicenchimaltizque iminmelauhcayo, ic motemoz mah



nochtin mozcaltizque huan amo acah quintzacuilizque iminmelauhcayo.

Ipampa melahuac moahxiltiz iminmelauhcayo tlacah, yehica onyez ce Sistema Integral de Derechos Humanos yehhua quichihuaz huan tequitiz itechpa tlataman tlachihualiztli ihcon cualli moahxiltiz iminmelauhcayo nochtin tlacah tlen amo acah quinixtlahuelitazque ipampa occe tlaman iminyuhcatiliz. Inin Tequitl quichihuaz ce Programa de Derechos Humanos, tlen quiyequihtoz quenin huel mochihchihuaz cequin tlanahuatilmeh, altepetequitl, tlachihchihualiztli nechicoltequitl huan noihqui quihtoz quenin motequiuhuitz tomin itechpa iminmelauhcayo nochtin tlacah huan itechpa occe altepetequitl nozo imintequiuh totlanahuatihcahuan nican toaltepepan.

In Tlaxelolpilli II quitenehua iminmelauhcayo huan imintlacaxoxouhcayo tlacah itechpa:

- a) Inezcayo cehce tlacah huan tlacaxoxouhcatica mozcaltiz iixco, iyolo.
- b) Mahuiztilloz inacayo huan itlanemiliz, huan noihqui amo acah quicualancaitaz.
- c) Quipiaz ce nepalehuil huan ce yolcehuiliz tlen quimaca totlanahuatil, ipampa ce tlacatl nozo ce nechicolli monequi quipiaz itoca, inezca huan imahuiztiliz, noihqui mah quitlepanitacan inon inezca huan iixco, iyolo in yuh quihtohua totlanahuatil.
- d) Cehce cenyeliztli mah quiceli ce hueyi inepalehuil, itechpa ichan nozo inechicol, noihqui monequi mah centequiti ic mocualtiz ce achi cualli altepenemiliztli.



- e) Zan cehce tlacatl huel quipancuiz itechpa
icihuayo nozo ioquicho huan quipancuiz aquin
ihuan quinequi nemiz, mah amo ixtlahuelilo.
- f) Cehce tlacatl zan yehhua quipancuiz cox
quinequi quipiaz ipilhuan nozo amo.
- g) Quitemoz mah moahxilti huan mah
necuitlahuilo imelauhcayo huan
itlacaxoxouhcayo.
- h) Tlanahuatiltica quiahciz itlapalehuiliz, mah
quipalehui ce tepan tlahtohuani in tlaa
teilhuiloz huan zan yectli mah momelahua
inecuehmolol huan amo tlaxtlahualoz.
- i) Quipiaz ce tlaman itlanemiliz, itlaneltoquiliz
nozo tlaman iteconeltoquiliz.
- j) Quipiaz ce cualli tlayecoltliztli itechpa
totlanahuatihcayo, quiceliz inepalehuil,
inon tlen itech monequi, huan mah cualli
quitlayecoltican itechpa occe tlaman tequitl.
- k) Mah cualli huan yolcehuiliztica monechicoz
nozo mocentalaliz itech ce oloch ihcon cualli
quicenchimaltizque nochitlanequiliz tlen
amo quitzacuilia totlanahuatil.
- l) Mah cualli quitenehua itlanemiliz itechcopa
tlatlamana tenahuatiloni.
- m) Cualli quiahciz nochitlanaman tenahuatilli, in yuh
itech monequi, noihqui huel quimacaz,



quitemoz nozo quichayahuaz tenahuatilli itech tlatlamancopa.

- n) Ichtacapialoz itoca nozo occē itenahuatil, zan yehhua quimatiz, quiahciz nozo quicuepaz itenahuatil, noihqui amo acah huel ahcitihueztiz ichan nion quichtequiz itenahuatil.
- o) Cualli nemiz ipan ce altepetl in canin moahxiltia altepetlanahuatihcayotl, nochtin ialtepechanehcahuan Mexihco Hueyaltepētl quipixtoque imintmelauhcayo ihcon cualli quipancuizque quinxpehpenazque imintlanahuatihcahuan, amo acah quintzacuizque nion quinchihaultizque itechpa imintlaixpehpenaliz tlen ichtacatica huel mochihuaz, ica tlen nochtin tlakah mophuazque huan huel quicelizque iminaltepetequiuuh.
- p) Quiceliz ce cualli tlamachtiliztli, tlamatiliztli huan nemachtiliztli, inon tematiliztli amo tlaxtlahualoz, amo moneloz ihuan ce tlaman teomertiliztli, nochtin cualli momachtizque, amo ixtlahuelitaloz nion ce yuhcatiliz, nochipa onyez cualli tlamachtiliztli. Motemoz mah zan ihcuitic, zan yuhquin nemican nochtin altepechanehque. Ipan Mexihco Hueyaltepētl, nochtin macehualtin huel macehualcopa momachtizque, ica iminnantlahtoltzin huan noihqui ica coyotlahtolli itech ce tlamachtiliztli tlen quipohuaz ome iminyuhcatiliz.

Huehuetzitzintin huan ilamatitzintin momachtizque



quenin tlaixpohuazque huan tlahcuilozque, momachtizque primaria huan secundaria, noyuhquin inon tlacah tlen quimpiazque nozo quinmocuitlahuizque cocone, pipiltin, ichpocameh huan telpocameh mah quinmacacan ce cualli tlamachtiliztli, mah quipalehuican ic cualli momachtizque huan mah quitacan tlen polihui ic nochipa quicentocazque momachtizque. Moyolcelia ica mahmachiyotlahtolli tlen itoca Lengua de Señas Mexicana yehhua occe itlahtol Tohueyaltepetzin. In nacaztapaltzitzintin iminmelauhcayo tlanahuatia mah momachtican ica Lengua de Señas Mexicana huan coyotahtolli. In tlaa ce piltzintli, ce ichpocatzin nozo telpocatzin amo quipia ce itlacatilizamauh nozo occe tlaman iamauh, noihqui cualli momachtizque.

- q) Cualli quicelizque, quitequiuhtizque huan tequitizque nochí tlaman tlamatiliztli huan yancuic tlatquitl itechpa inon tlamatiliztli tlen itoca tecnología, tlacaxoxouhcayotica mah quiahcian tlatemohualiztli huan occe tlaman yancuic tlamatiliztli.
- r) Cualli mochayahua huan moizcaltiz toyuhcatiliz huan nochí tlaman totlachihchihual, mah momahuiztli tonelhuayo, tonezcayo huan totuhcatiliz.
- s) Cualli mahuiltyoz huan nechicahualoz, nochtin cualli mochicahuazque nozo quichicahuilizque iminnacayotzin itechcopa tlatalaman tlachihualiztli ihcon ohui mococozque.



- t) Nochtin quipiazque ce cualli nemiliztli huan
zan ihcuitic quiahcizque imintequiuh ihcon
amo cenza onyez icnotlacayotl.
- u) Monequi nochtin necuitlahuirozque huan
quipiazque nochitlen intech monequi
ihcon amo itlah intech polihuiz ipan nochit
iminnemiliz.
- v) Momoztla nochtin quicelizque ce cualli
tlacualiztli, tlen quinchihaultiz iminnacayotzin,
ica tlen quiixnamiquizque mayanaliztli,
tlen huelic, tlen cenza cualli huan tlen
quinhuelilizque.
- w) Mah necuitlahuiroz iminnacayotzin huan
imincuateっこ, mah cualli quimpahmacakan.
Amo acah quintzacuilibzque ic amo
quintlayecoltizque ipan tepahtiloyan ihcuac
cenca intech monequi iciuhca quinpahtizque.
Cenza mahuiztililoz inepancuilitiliz
nozo itlanequiliz in cocoxcatzintli, tlen
tlacaxoxouhcayotica quihtoz cox quinequi
nozo amo quinequi oc quicentocazque
quipahmacazque ic yolitz oc, in tlaa inemiliz
ye ixpoliuhtoc.

Nochtin cocoxcatzitzintin huel
quimpahmacazque itechcopa in pahxihuitl
tlen itoca cannabis sativa, índica, americana
nozo marihuana huan inon tlaman pahtli tlen
itech huitz in yuh tlanahuatia Constitución
Política de los Estados Unidos Mexicanos huan
occe tlaman itlanahuatilhuan.



- x) Nochtin quipiazque ce cualli iminchan iminhuan iminchancahuan.
 - y) Quicelizque, quitequiuhitzque huan quitequitiltizque chipauhcaatzintli, tlen cualli atzintli, tlen nochtin huel quionizque, tlen quipiazque iminchan nozo imintequiuh tlen mahuiztilitzica quincualtzimiliz.
 - z) Nochtin pohualozque itech inon tequitl ica tlen mozcaltiz totomincayo, toaltepeyo, toyuhcatiliz huan totlanahuatihcayo tlen techpalehuiz tinochtin mah moahxilti tomelauhcayo huan totlacaxoxouhcayo.
- aa) Nochtin quipiazque tequitl, ce cualli tequitiloyan, ce cualli tlaxtlahuilli, in tlaa oc cenca tequitizque no ihcon momiaquiliz imintlaxtlahuil huan mah nochipa quipiacan cualli tequitl.
 - ab) Cualli quipancuizque quenin tlachihchihuazque, quenin tequitizque huan quenin quinamacazque imintlachihual. Moahxiltiz iminmelauhcayo nochtin milpanecah huan miltequitinimeh, mopoahuaz imintlahtol itechpa itomincayo totlacemancayo.
 - ac) Mah cualli quintlayecoltican nochtin tlakah tlen intech monequi mah moahxilti iminmelauhcayo ipampa quinixtlahuelitan, quincualancaitan nozo quinchihuilian itlah tlen amo cualli.



- ad) Mah zan ihcuitic, zan yuhquin nemican in cihuah huan in oquichtin.
- ae) Necuitlahuirozque in cocone, in pipiltin, in ichpocameh huan telpocameh noihqui qucelican ce cualli nepalehuilli itechcopia Sistema de Protección Integral de los Derechos de Niñas, Niños y Adolescentes.
- af) Mah mahuiztililo iminnezcayo in ichpopochtin huan telpopochtin, mah cualli mozalcaltican, mah tlacaxoxouhcayotica quipancuican ipan iminnemiliz itechpa totlanahuatihcayo, totomincayo, toaltepeyo, tocuaughtlayo huan toyuhcatiliz, mah quipiacan cualli nemachtiliztli, cualli tequitl huan cualli iminchan.
- ag) Huehuetzitzintin huan ilamatztitzintin quicelizque cualli tepahtiliztli, noihqui quicelizque iminnepalehuil ica tomin in yuh quihtoa totlanahuatil.
- ah) Nepalehuuirozque in cocoxatzitzintin, cox tlacah nozo itzcuintin quimpalehuizque in tlaa intech monequi ic cualli nehnemizque.
- ai) Mah amo quinixtlahuelitacan in nepapan tlacah ipampa imincihuayo nozo iminoquicho in yuh lesbianas, gays, bisexuales, transgénero, travesti, transexuales e intersexuales (LGBTTTI), mah zan ihcuitic quipiacan iminnamic huan imincenyliz, in tlaa quipiazque nozo amo quipiazque imimpilhuan itechcopia tlatlaman nemictiliztli.



- aj) Itechcopa totlanahuatil mah mopalehui huan mah amo quiixtlahuelitacan in aquin occcean huitz. Mah moahxilti imelauhcayo, mah cualli chantí, mah quipalehuican, mah cualli quitlayecoltican huan mah amo quicualancaitacan.
- ak) Mah moahxilti iminmelauhcayo inon tlakah tlen tlaihiyohuiyan ipampa ce cualancayotl ica tlen hueliz quincocolizque iminnacayotzin nozo imincuatexxo.
- al) Mah necuitlahuilo iminmahuiztiliz icnococone, icnopipiltin, icnoichpocameh huan icnotelpocameh tlen amo quipian iminchan.
- am) Nepalehuilozque in tlahtlacolehque tlen motzactoque, mah quintlepanitacan in yuh occequintin tlakah, mah cualli yetocan iíhtic tetzacualoyan, mah quinmahuiz tilican iminnacayo huan imincuatexxo, mah amo quincualancaitacan, mah amo quinchihuilcan itlah tlen amo cualli, mah amo quinmahuizpolocan huan mah cualli monohnotzazque iminhuan iminchanchuan.
- an) Inon tlakah tlen nepalehuilcalli mochantihticateh mah cualli yetocan, mah quintlazohtlacan, mah quinahcicamatian huan mah amo quincualancaitacan, mah cualli quimpalehuican huan quinmocuitlahuican in tlaa acah amo cualli quintlayecoltizque.



- ao) Mah pialo huan mah nechayahualo iminyuhcatiliz, iminnezcayo, iminnelhuayo huan nochi tlen intech pohui in yayauhcatlacah.
- ap) Mah quinmahuiztilican iminmelauhcayo macehaultin tlen nican Mexihco Hueyaltepetl mochantihticateh nozo zan hualpaxalohticateh nican.
- aq) Mah amo onca cualancayotl nion ixtlahuelli ipampa tlatlamana teoneltoquiliztli.
- ar) Ce altepetl in canin onyez altepetlanahuatihcayotl, in canin mahuiztililoz totlalzin, in canin nochtin mopohuazque huan in canin nochtin zan ihcuitic quipiazque itlah tlen intech monequi.
- as) Onyez cualli cuauhtlayotl tlen tlapalehuiz cualli nemohuaz.
- at) Mah cualli necuitlahuiloque in yolcameh, mah quinmahuiztilican, mah cualli quinmocuitlahuizque itechpa nochitlen intech monequi.
- au) Yolcehuiliztica nehnemiloz in ohtlipa.
- av) Cualli motequiuhitz huan cualli yetozque itech cehcecan nican altepepan ihcon cualli mocenhuicazque in altepechanehque huan cualli quichihuazque tlatlamana altepetlachihualiztli.



- aw) Cualli nehnemizque, cualli paxalozque, cualli momachilizque huan cualli moolinizque in tlacah, oc cenza necuitlahuilozque in tlacah tlen iminicxihuan nehnemin nozo amo quitequiuhian mimilolcalli ic nehnemin.
- ax) Nochtlacah quipixtoqueh iminmelauhcayo ihcon cualli mocenhuicazque, mahuiltizque, mochipahuazque, mocehuizque, moyolcehuizque huan amo cenza tequitizque.
- ay) Mah yolcehuiliztica nemican, mah quicelican ce tlaman nepalehuilli huan mah quintlayecoltican in tlaa tepan mochihuaz itlah tlen amo cualli tlen ometeoyotl nozo tlacayotl huitz, nozo ihcuac mochihuaz itlah tlen amo cualli tlen toaltepetzin huitz.
- az) Cualli mohuicazque huan mopalehuizque, cualli yetozque in altepechanehque huan amo acah quinilhuizque quinchihuilizque itlah tlen amo cualli, amo nemizque ica cualancayotl nion quichihuazque nion tlaman tlahtlacolli.

IC YEI TLAXELOLLI.

Tlen itoca Desarrollo Sustentable de la Ciudad quihtoa onca ce melauhcayotl ic cualli tlanemiloz huan tlayehyec tiloz ce altepetl itechpa quezquin iminchanehcahuan huan quenin mochihuaz ic cualli huan zan ihcuitic moazcaltiz inon Altepetyl. Ihcuac tlanemiloz quenin mozcalitz motequiuhitz in Plan General de Desarrollo de la Ciudad de México; in Programa General de Ordenamiento Territorial



huan iaxca cehce alcaldía; in Programa de Gobierno; iminprogramas cehce tlalxelolli huan cehce nechicollí; iminprogramas totlanahuatihcáhuan ipan cehce alcaldía huan programas parciales ipan cehce calpolli, altepetl nozo occe tlaman iminoloch macehualtin tlen nican chantin nozo zan hualpaxaloan.

Moyolcelia cualli motequiuhitz totlaltzin huan nochí tlen techmomaquia in ihcon cualli necuitlahuiroz in cuauhtla, in tepetla tlen intech monequi nochtin tlacah, yolcameh huan nochí tlaman yoliztli. Yeh ica, mochihchihuaz tlanahuatilmeh tlen tlapalehuiz ce cualli neizcaltiliztli huan cualli momelahuaz tlatlaman necuehmololli in yuh:

- A. In cuauhtla, in tepetla: Tequitiloz itechpa cequin tlachihualiztli ica tlen mopalehuiz in cuauhtla. In tlatlaman yoliztli, in nepapan tepetla, nochí tlen itech pohui in cuauhtla huan nochí tlaman xihuít tlen onca zan ce tlalli, nochí inon toaxca tinochtin huan totech monequi ticpiazque; tinochtin timopalehuizque itech inon tequitl, altepechanehque huan totlanahuatihcáhuan. In Mexihco Hueyaltepetl quichayahua huan quipiaz imintlamatiliz huan iminyuhcatiliz macehualtin tlen nican mochantian huan nochí tlen quichihuan ic necuitlahuiro in cuauhtla, in epetla.
- B. Cualli motequiuhitz in atzintli: in tlanahuatilli itechpa atzintli techcahuiliz cualli ticpiazque, ticmocuitlahuirozque huan tictoaxcatizque inon atlan canin mocentilia atzintli in yuh ameyalli, atoyatl, atzacualli huan apantli.
- C. Ce tlanahuatilli itechpa totlaltzin: itlaltzin Mexihco Hueyaltepetl moxehxeloa ica altepetlalli,



cuentla huan cuauhtla. Tlanahuatilmeh huan ce cualli tlayehyecoliztli techilhuiz catlen tlaman tequitl mochihuaz ihcon cualli motequiuhitz toaltepetlaltzin, ic ticahcizque ome tlanequilitzli, yehhua ticchayahuazque mah zan ihcuitic huan cualli motequiuhitz totlaltzin in canin calchihualoz, in tlaa cenza chantiloz acho moyehyecoz cox cualli calchihualoz oc nozo amo ihcon huan noihqui moitaz quenin onyez tlayecoltiliztli huan mah amo moihtlacohuaz in cuauhtla, in tepetla.

D. Ineizcaltiliz cuentla huan miltequitl in altepepan: mochayahuaz, nochtin centequitzque, itech miltequitl, ineizcaltiliz tlapijalmeh, inenamaquiltiliz tlachihualli, inepializ cuauhtla, inepializ atzintli huan inechihchihualiz tlatlaman mahtequitl, motemoz quenin millah tepaxaloz ihcon mochicahuaz imintomincayo milpanecah, noyuhquin motemoz quenin oc achi cualli motequiuhitz nochti tlaman cuahuitl, xihuitl, yolcameh huan nochti tlamantli tlen tepetla huitz huan mah momocuitlahuiz in cuauhtla, in epetla.

E. Chantli: yehhua cenza motelnequi nican altepepan, ipal motecpana nochti altepetlalli, itech moyahualohua altepenemiliztli huan quihtoznequi ineyolcehuiliz nochtin tlacah. Mochihchihuaaz ce tlanahuatilli itechpa chantli ica tlen oc achi cualli motecpanaz huan motequiuhitz totlaltzin.

F. Tlatlaman tlayecoltiliztli huan tlamatiliztli: in Plan General de Desarrollo y el Programa General de Ordenamiento Territorial quiitaz quenin



tequitiroz ipan cahuitl tlen zan oc huitz itechpa calchihualiztli, tlaliliztli, tlachihchihualiztli, tlamelahualiztli, tlamiaquiliztli nozo tlayancuitiliztli itechpa tlatlaman tlayecoltiliztli huan tlamatiliztli, noihqui itechpa tlatquitl huan calli tlen monequi ipan Mexihco Hueyaltepelt.

G. Ineahuilizcan altepepan: ahuiliztli huan paxaloliztli nel motelnequi, yeh ica monequi onyez ahuilizcan, moyectlaliz huan mopializ inon tlalxelolli in canin cualli neahuiltloz. Cacalohtli, caltentli, altepeithualli, altepecauhyla, xochimilli huan occe tlacualtzincan ipan toaltepetzin, noihqui mopohuaz itzintla panohuayan ipampa tlatlaman quitequiuhian in altepechanehque.

H. Cualli nehnemiloz huan calacohuaz: Tohueyaltepelt techcahuilia nohhuiyan cenza cualli tinehnemizque itechcopia tlatlaman tepoztehuiconi huan mimilolcaltin. Oc achi cualli necuitlahuiloz in aquin iicxihuancopa nehnemi, noyuhquin oc cenza necuitlahuiloz in cocoxcatzintli tlen ohui nehnemi; huan noihqui in aqui altepetehuiconi huicalo.

I. Tlaihiyohuiliztli, yolcocoliztli, nemocuitlahuiloz huan tlayecoltiliztli: Imintlanahuatihcahuan Tohueyaltepertzin quitemozque cualli yetozque in altepechanehque, quitemoz mah onca nemocuitlahuiloz huan cualli tlayecoltiliztli ica tlen quimpalehuizque in tlakah in tlaa tepan itlah mochihuaz in yuh ce tetzauhcaquiahuatl, tlaloliniliztli nozo occe tlaman necuehmolol itechpa altepetequitl.



Noyuhquin, motemoz cualli monamiquiz inepializ altepeaxcaitl ihuan ineizcaltiliz totomincayo huan inemiaquiliz in tlacah, no ihcon mopializ in tlanamacoyan nozo tianquizcalli ipampa quinextia toyuhcatiliz huan toaltepenemiliz. Altepenezmiliztli, altepeaxcaitl, altepeyuhcatiliztli, altepecenezcayotl, altepecallli, altepecuauhtla, altepecuentla huan altepetlalli nochitotech pohui tinocchtin, yehica nel motelnequi necuitlahuiloz nozo tinocchtin ticmocuitlahuizque.

Ipan Mexihco Hueyaltepetl nochtin tlen Nohhuiyan Totlalticpac huallah huel chantizque ipampa nican yolcehuilizcan, tepalehuilizcan, yolcualcan huan ce cualli chantli. Yeh ica, nican momahuiztilia iminmelauhcayo, iminyuhcatiliz huan iminnezcayo nochtin tlacah tlen nican Hueyaltepetl mochantian huan iminchancahuan tlen huehca moahcin.

No ihcon, momahuiztilia iminmelauhcayo tlen huehca hualahque, tlen zan panohticateh, tlen nican Mexihco Hueyaltepetl ye omocuepque nozo nican mochantiznequin, noyuhquin inon tlacah tlen nican ehcoque ipampa onca ce tlaman necuehmolol ipan imintlaltzin yehica hualcholohticateh, in tlaa ihcon niman oc cenca necuitlahuilozque in cocone, pipiltin, ichpocameh huan telpocameh. Yeh ica, in Itlanahuatihcayo Mexihco Hueyaltepetl huan nochtin itlanahuatihcahuan, itechcopia imintlayecoltiliz nozo imintequiu quichihuazque nochitlen monequi ihcon quimpalehuizque inon tlacah tlen huehca tlalli hualehuan, noyuhquin quimpalehuizque inon aquinque hualtemohticateh ce nepalehuilli nican Mexihco ipampa tlaihiyohuiliztli ipan imintlalnanzin.



Itechpa Hacienda Pública ipan Mexihco Hueyaltepetl –tlen motecpana ica tomin, tlaxtlahuilli huan tlapalehuilli in yuh tlanahuatia Congreso de la Ciudad – mochihchihua nozo motecpana in yuh tecahuilia altepetomin huan altepetlaxtlahuilli, in tomin tlen motequiuhquia ipan altepetl itechpa altepetequitl, huan motlacamatiz in yuh tlanahuatia Constitución.

IC NAHUI TLAXELOLLI.

Tlen itoca De la Ciudadanía y el Ejercicio Democrático, quipia ome itlaxelolpil.

Tlaxelolpilli I

Intechpa iminaltepechanehcahuan Mexihco Hueyaltepetl ouhpa moxehxeloan, moihtoa Originarias inon aquinque nican otlacatque, noyuhquin iminpilhuan; moihtoa Habitantes inon aquinque mochantihticateh ipan inin Altepetyl; Vecinas inon aquinque ye quipixtoque chicuace xihuítl nican huan Transeúntes inon aquinque zan hualpaxaloan nican Altepapan.

Noyuhqui, moihtoa in tlahtolli ciudadanía ihcuac tenehualozque in altepechanehque huan yeh ica mahuiztililoz iminmelauhcayo in yuh tlanahuatia tohueytlanahuatil Constitución. Itechpa ce tlamantli tlen monequi momachtzque in pipiltin, in ichpocameh huan in telpocameh, huel quiitazque quenin ixpehpenaloz totlanahuatihcahuan, noihqui cualli quiehuazque imintlahtol huan quipancuizque itechpa ce tlahtolli ipan iminchan, imintlamachtiloyan, iminaltepeuh nozo occecan in canin yetozque, tlen intech mochihuaz nozo tlen quinequizque quipancuizque. Ipampa motemoz mah nochtin



altepechanehque tlacennahuatizque, yehica
mochihuaz tlatlaman tlachihualitzli in canin huel
nochtin centequitizque huan mopohuazque.
Nochtin cualli tlaixpehpenazque, moyecpohuaz,
tlacaxoxouhcayotica huan ichtacatICA tlaixpehpenaloz,
amo acah tetzacuIiz huan monequi nochtin
tlaixpehpenalozque ihcuac mocuepazque
totlanahuatihcahuan nozo ihcuac mochiHuaz ce
altepetequitl, noyuhquin mah moixmati ica nochtin
in tlacah tlen nican Mexihco otlacatque quipixtoque
iminmelauhcayo ic quicelizque ce altepetequitl ica tlen
tetlayecoltizque ipan Tohueyaltepelt.

Tlaxelolpilli II

In altepetlanahuatihcayotl tlen tlacah huitz, tlen
tlacah tequitin huan tlacah nextililoh quihtoznequi ica
onca melauhcayotl ica tlen huel quipancuizque, cox
cehce tlacatl nozo itechcopia iminnehichol, itechpa
tlatlaman altepetequitl in yuh tlaixpehpenaliztli,
tlanahuatilchihualitzli, tlayehyecoliztli huan quitazque
mah cualli tequiti in altepetequitihcahuan.

In macehualtin tlen intech pohuih macehualaltepemeh,
macehualcalpoltin huan occe tlaman
macehualnechicolmeh tlen altepepan chantin
quipixtoque iminmelauhcayo mah quintlahtlanican in
yuh quihtoa totlanahuatil ipan Constitución huan occe
tlahtolnamiquiliztli ipan totlalticpac.

Altepechanehque quipixtoque iminmelauhcayo ihcon:

- Quichihuazque yancuic tlanahuatilmeh nozo
quicuepazque Constitución.
- Itechcopia referéndum quihtozque cox cualli



omocuep cequin tlanahuatilli huan occequin tlahtolnamiquiliztli tlen mochihchihua.

- Quintlahtlanizque itechcopa plebiscito ihcon quihtozque cox cualli nozo amo cualli ce altepenepancuiliztli.
- Quintlahtlanizque itechcopa consulta ciudadana in yuh tlanahuatia Constitución.
- Itechcopa consulta popular tlananquilizque itechpa ce necuehmolol nozo occe tlamtli tlen itech pohui Tohueyaltepetzin. In Congreso de la Ciudad de México huel quinnotzaz, quintlahtlaniz in tlacah in tlaa ihcon quitlahtlanihque mazque mahtlactin tlacah in tlaa oncateh macuilpohualtin macehualtin tlen altepechanehque.
- In tlaa monequi huel quitlahtlanizque mah quiqxtilican itequiuh ce altepetlanahuatiani, inon moihtoa revocación del mandato.
- Quipancuizque quenin mochihuaz ce altepetequitl, quenin tlayacanaloz huan quenin tequitiltloz in altepetomin itechpa presupuesto participativo, noiqli mah chipahuac tequitiloz huan mah moihto quenin mopoloz inon tomin.
- Quinextizque candidaturas nozo quinextizque aquin quinequin tlanahuatiz nozo quichihuaz ce altepetequitl mazque amo quipia partido político, zan monequi quiahciz imintocaymachiyo mahtlactin



altepechanehque in tlaa macuilpohualtin
yetoque ipan tlatecpanalli tlen itoca lista
nominal de electores.

Noihqui motenehua imintequiuh partidos políticos, tlen monequi ic motocaytlalizque huan quenin melahuac tequitizque itech ce tlaixpehpenaliztli, noihqui moihtoa ica cенca monequi quiyequihetzque quenin tequitin, quenin quiahcin imintomin, quezqui huan quenin tequitiltloz inon tomin. Ihcuac quiixpehpenazque imincandidato mochihuaz in yuh tlanahuatia Constitución Federal, inin Constitución, in tlanahuatilli electoral huan imintlanahuatilhuan partidos políticos, noyuhquin mahuitililoz iminmelauhcayo político in altepechanehque, no ihcon huel ixpehpenalozque ichpopochtin huan telpopochtin tlen macehualtin huan noihqui monequi chipauhcatica tequitizque, quinextizque imindeclaración patrimonial, itechpa interés huan fiscal, mopializ imintoca huan iminnezcayo, no ciuah huan oquichtin zan yuhquin pohualozque.

Mahuitililoz in politiconechicolmeh ipampa ihcon monechicohuan in altepechanehque, tlen itechcopa inon tlaman tlapalehuizque mah mozcalti altepetlanahuatihcayotl huan iminnemiliz in altepechanehque, itechcopa ce inezcaltiliz politicayotl tlen mopalehuia itech yolcehuiliztli, mahuiztiliztli huan itech ce tlanemiliztli ica yecmelauh tenahuatilli.

Monequi onyez ce tlaman tlachihualiztli ica tlen tlanahuatiltica huel motzacuuliz ce tlaixpehpenaliztli itechpa Jefatura de Gobierno, diputaciones locales huan alcaldías, noihqui occequin tlachihualiztli tlen Altepapan quichihuazque in altepechanehque.



IC MACUILLI TLAXELOLLI

Tlen itoca De la Distribución del Poder, tlen quihtoa ica in Mexihco Hueyaltepetl quipiaz in tlanahuatihcayotl tlen itoca gobierno republicano, representativo, democrático huan laico, noyuhquin inon tlanahuatihcayotl moxehxeloa ica Legislativo, Ejecutivo huan Judicial.

In Tlaxelolpilli l itechpa función legislativa quihtoa quenin monechicoz, moixpehpenaz rhuan mocentalaliz in Hueytlahtocan, tlen monequi ic ixpehpenalozque ilacahuan, catlen imintequiuh, quenin tequitiz, quenin moixpantiz huan mochihchihuaz in tlanahuatilli, no ihcon quenin huan queman mocentalalizque ic tequitizque huan catlen ihueliliz comisión permanente. Itequiuuh Hueytlahtocan ipan Tohueyaltepetzin:

- Quichihuaz huan quicuepaz itlanahuatil nican hueyaltepepan.
- Quichihchihuaz tlanahuatilli itechpa ihuelitiliz Tohueyaltepetzin huan inon tlen itech pohuih alcaldías tlen tlanahuatiltica tequitizque huan mopohuaz in yuh itlaxelol tohueytlanahuatil.
- Quixpantiz tlatlaman tlanahuatilli iixpan Hueytlahtocan.
- Quiceliz nozo quiixtopenhuaz itlacuepaliz totlanahuatil itechpa Constitución Federal.
- Tlanahuatiz aquin tlayacanaz itechcopa Jefatura de Gobierno.



- Tlanahuatiltica quihtoz quenin motecpanaz itequiuh hacienda pública, tlen tequiti itechpa altepetomin, in tomin tlen motequiuh tz ipan toaltepeuh huan quenin mopoloz.
- Quiyehyecoz, motlapohuiliz huan quiyolceliz quenin xixiuhtica motequiuh tz tomin itechpa Ley de Ingresos huan presupuesto de Egresos.
- Quiyequitaz itlapohualiz tomin itechpa xihuitle tlen zan oc opanoc.
- Quiyolceliz huan huel quicuepaz itlanahuatil constitucional iaxca Congreso.
- Quiyectenehuaz imintequitihcahuan in nechicolmeh tlen itech pohuih Administración Pública de la Ciudad.
- Quinnatzaz mah tlatenquixtican itlayacancahuan Jefatura de Gobierno, secretarías del gabinete, dependencias, entidades nozo occequin nechicolli huan alcaldías ic teixpan tlahtolmelahuazque itechpa imintequiuh huan imintlachihualiz.
- Quiyequihitaz huan niman quiyolceliz in tlahtolli huan tlanahuatilli itechpa quenin motecpanz huan moxehxeloz altepetlalli.
- Quiyolceliz quezqui tomin motequiuh tz itech itequiuh huan quitlacamatiz in tlanahuatilli tlen quihtoa quenin altepetomin motequiuh tz in tlaa amo onca miac.



In Tlaxelolpilli II itechpa función ejecutiva quihtoa ica itlayacancauh Poder Ejecutivo tlen moihtoa Jefa nozo Jefe de Gobierno de la Ciudad de México, yehhuatzin tlanahuatiz nozo tequitiz itechpa administración pública ipan inin hueyaltepeltl, moyequihtoz quenin oixpehpenalo, ic quipiaz itequiuuh, quenin tequitiz huan noihqui catlen necuehmolol mah amo mochihua ipan inon tlanahuatihcayotl.

Itlayacancauh Jefatura de Gobierno monequi ihquin tequitiz:

- Tepan quinextiz huan quitequiuhtiz in tlanahuatilmeh tlen omochihchiuh ipan Hueytlahtocan nozo Congreso de la Ciudad.
- Quiahxiltiz itlanahuatilhuan Constitución Federal, inin Constitución huan occequin tlanahuatilmeh tlen omochihchiuh ipan Congreso de la Unión huan Congreso de la Ciudad.
- Quinmaquiliz huan quinquixtiliz imintequiuuh itequitihcahuan.
- Quinextiz iixpan Congreso de la Ciudad in tequitl Ley de Ingresos huan Proyectos de Presupuesto de Egresos
- Quiixnextiliz iixpan Congreso in aquin tlayacanaz nozo tequitiz in yuh control interno ipan Tohueyaltepertzin.
- Quinextiz ce tlachihualiztli tlen monequi quichihuazque itechpa quenin quitlahtlanizque mah quintlaneuhtilican



tomin itechpa Presupuesto de Egresos de la Ciudad.

- Tlatemohuaz, tlayehyecoz huan quitemoz tlatlaman tlamatiliztli tlen quicahuiliz cualli quinextiliz in Gobierno Federal ce tlaman tequitl tlen monequi mochihuaz ihcon onyez ce cualli tlaxtlahuilli tlen quicelizque tequitinimeh tlen chantin ipan Tohueyaltepetzin.
- Quinextiz Cuenta nozo inepololiz tomin itechpa hacienda pública in Toaltepepan.
- Iixpan Congreso quinextiz ce xixuhtica tenahuatilli itechpa inon tequitl nozo tlachihualiztli tlen omochiuh huan quezqui tomin omotequiuhti.
- Quitenehuaz itlanemiliz itechpa cequin tlanahuatilmeh tlen omochiuh ipan Congreso de la Ciudad, cox cualli nozo tlen polihui.
- Quiyacanaz in nechicolmeh itechpa altepeyolcehuiliztli ipan toaltepetzin.
- Quimacaz patentes quiceliz Notario ic cualli quichihuaz función notarial.
- Xixuhtica quitemacaz imintlaxtlahuitlecpanal itequitihcahuan Gobierno de la Ciudad.
- Quimocuitlahuiz iminmelauhcayo itequitihcahuan Poder Ejecutivo huan ialcaldías.



In Tlaxelolpilli III itechpa función judicial tlen tlanahuatiloz itechcopa in tlanahuatilli itechpa yolkmelahualiztli huan mahuiztiliztli, teceliliztli, chipahualiztli, cualli tenahuatiliztli huan tenahuatilli itechpa inepololiz tomin. In Poder Judicial motlalia itech ce Tribunal Superior de Justicia tlen quipiaz ce Sala Constitucional; ce Consejo de la Judicatura huan Juzgados. In tlayacanaliztli, tlaixpializtli, tlayehyecoliztli, momozcatica tequitl huan itlayecotiliz itechpa inemachtiliz Poder Judicial de la Ciudad nochi quipializ in Consejo de la Judicatura, inon nechicolli quihtoz nozo quinmacaz imintequiuh in jueces. Quicahuilia in Consejo de la Judicatura del Tribunal Superior de Justicia mah icel tequiti, noihqui quiyectenehua iminhueliliz huan iminchipauhcatequiuh in jueces huan quichihua ce Consejo Judicial Ciudadano. Quinechicoa in Instituto de Servicios Periciales y Ciencias Forenses tlen itech pohui in tequitl tlen itoca función judicial. Ihueliliz in Tribunal Superior de Justicia nican Hueyaltepelt yehhua:

- Tlanahuatiltica quiyacanaz in tlanahuatiltequitl, tlahtolnamiquiliztli huan yectlanahuatiliztli in yuh monetehua ipan Constitución Federal huan cualli quihtoz in tlaa amo celiloz ce tlaman tlanahuatilli ipampa amo monamiqui ica inin Constitución.
- Quimocuitlahuiz huan quipalehuiz iminmelaughayo huan iminmahuiztiliz nochtin tlacah in yuh tlanahuatia inin Constitución huan occe tlahtolnamiquiliztli.

In tequitl itechpa yectiliztli nica Hueyaltepelt oc cenca quitequiuhitz inon tlaman tlen amo ohui momelahuaz



ce necuehmololli. Ipampa cualli moahciz inon tlaman tequitl yehica onca in Centro de Justicia Alternativa, ce nechicollil tlen amo itech pohui in Tribunal Superior de Justicia de la Ciudad de México tlen quipia ihueliliz, itlaman huan tomin ica tlen tequitiz, quimpia itequithcahuan huan cualli quipancuiz:

- Ihcon itechcopa itlapalehuiliz cualli momelahuaz ce necuehmololli itechpa altepeyotl, tomincayotl, cenyeliztli nozo ce tlahtlacollil tlen amo cenca ohui nozo ce necuehmololli intechpa ichpocameh huan telpocameh.
- Quipalehuiz itech ce necuehmololli itechpa imintlanahuatil calnahuaqueh.
- Motlahtoilnamiqui ihuan cequin tepalehuiloyan tlen tlanahuatiltica tequiti ic cualli quimelahuazque imin necuehmolol calnahuaqueh nozo altepenahuaqueh.

In Instituto de Servicios Periciales y Ciencias Forenses yehhua ce nechicollil tlen amo itech pohui in Consejo de la Judicatura, tlen quipia ihueliliz huan itomin tlen motequiuhitz ica tlen tetlayecoltiz itechpa servicios periciales huan forenses.

Ihcuc motzacuilitz ce tlanahuatilli niman cualli yolceliloz huan ayamo tlacamatiroz nochi nozo zan itocon in tlaa ihcon omotlahtolnamiqueh miyaqueh tlanahuatianimeh.

In Consejo Judicial Ciudadano quipiaz inin tlaman huelitiliztli:



- Quinmacaz imintequiuh in Consejeros de la Judicatura
- Quitlahtlaniz in Jefe de Gobierno mah Congreso quimacaz itlanahuatltequiuh in aquin quiyacanaz Fiscalía General de Justicia ipan Tohueyaltepetzin.
- Quitlahtlaniz in Congreso mah quinxpehpenaz aquinque tequitizque in yuh fiscales especializados itechpa tlaixpehpenaliztli huan quiixnamiquiz in yolihtlacohualli.

Itechpa tlaixpehpenaliztli, in Tribunal Electoral ipan Mexihco Hueyaltepetl, ce nechicolli jurisdiccional tlen tequiti itechpa materia electoral huan procesos democráticos, yehhua quipiaz ihuelitiliz ica tlen quimelahuaz necuehmololli itechpa tlaixpehpenaliztli huan in altepetlachihualiztli, in tlaa otequitiloc ica itlah tlen amo melahuac ipan cequin tlachihualiztli; ihcuac momati ica amo mahuiztililo ce iminmelauhcayo in tlacah itechpa político-electorales, huan itech occe tlaman iminnecuehmolol altepenechicolmeh nozo cequintin imintlacahuan.

Yeh ica omochiuh in Tribunal Local de Conciliación y Arbitraje y el Tribunal de Justicia Administrativa. Ic chto nechicolli, yehhua tequitiz ic quimelahuaz iminnecuehmolol itechpa tequitl tlen huel quipiazque Mexihco Hueyaltepetl iminhuan itequithcahuan, huan occe nechicolli quimelahuaz iminnecuehmolol itequithcahuan administración pública de la Ciudad de México, alcaldías huan occequintin tequitinimeh. Ic ome tlen itech pohui sistema de impartición de justicia tlen quipia ihuelitiliz jurisdiccional, administrativa



huan presupuestaria, yehhua itequiuh quimelahuaz inon necuehmololmeh tlen huelliz mochihuaz itech administración pública de la Ciudad de México, alcaldías huan occequintin tequitinimeh; huan quihtoz quenin tlaxtlahualoz inon tlahtlacolmeh tlen oquichiuuhque itequitihcahuan totlanahuatihcayo huan tlen pohuih alcaldías ipampa amo oquiahxiltihque imintequiuh huan inon cenza tlahtlacoltic; yehhua quiceliz huan quimelahuaz imintlahtlauhtiliz in altepechanehque ipampa amo moahxilti ce tlanahuatilli nozo ce tlahtolnamiquiliztli itech totlahtocayo nozo amo cualli otlanahuatiloc; momatiz huan momelahuaz itechpa amo cualli tetlayecoltilo itequitihcahuan totlanahuatihcayo tlen moxehxeloa ica Poderes Ejecutivo huan Legislativo, alcaldías huan occequin altepenechicolmeh.

Ipan Tlaxelolpilli IV itechpa Seguridad Ciudadana y Procuración de Justicia moihtoa ica iminyolcehuiliz altepechanehque yehhua itequiuh in Gobierno de la Ciudad de México, ica imintlapalehuiliz alcaldías huan iminchanehcahuan, ic amo tlahtlacolchihualoz, ic tlatemohuaz, motemoz mah tlaxtlahualo ce tlahtlacolli itechpa totlanahuatihcayo huan mah momati aquin tlaxtlahuaz, motemoz mah momelahuaz necuehmololli, motemoz in tlahtlacole mah quiyecmelahua inemiliz, mah amo onca cualancayotl huan nochipa motemoz mah necuitlahuilocan in tlacah in tlaa mochihua itlah tlen amo cualli tlen quincocoltiz iminnemiliz nozo iminmelauhcayo.

Iminnechicolhuan topilehque huan nocthin itequitihcahuan ihcuac tequitin nochipa quitemozque mah cualli momelahuaz ce necuehmololli itechcopa tlahtolli, yolcehuiliztica huan nochipa



quinmahuitilizque iminmelauhcayo in aquin tlaihiyohuia, itlaixpantihcauh huan in tlahtlacole. Zan quitequiuhitz ichicahualiz in tlaa cenza monequi. Yehica moixpehpenaz inon topilnechicolli tlen cualli quichihuaz inin tlaman tequitl:

- Quinmahuiztiliz iminmelauhcayo, iminnemiliz, iminnacayo huan iminaxca in tlacah.
- Quitemoz amo onyez cualancayotl nion ixtlahuelli.
- Quitemoz mah amo tlahtlacolchihualo huan quiixnamiquiz in tlahtlacolli.
- Quintlepanitaz in tlacah.
- Quiitaz mah cualli tequitilo itech topilnechicolmeh huan tlamelahualoyan.
- Moyecmatiz itlanequiliz huan itlamelahualliz itechpa topiltequitl itechcopa ce chipahuac huan yectli tequitl.
- Nochipa cualli quinmahuiztiliz nochtin altepechanehque.

Ipampa cualli momelahuaz necuehmololmeh yehica onyez ce Fiscalía General de Justicia, itequiuh yehhua: quiyacanaz in tlatemohuiliztli itechpa ce tlaman tlahtlacolli, ica tlen momatiz cox otlahatlacolchihualoc huan noihqui itechcopa momatiz cox melahuac nozo amo tlahtlacole ce tlacatl; in tlaa quema onyez ce tlahtlacolli quitemoz quenin tlaxtlahualoz; quitemoz quenin centequitzque tlatlaman nechicolmeh



ihcon zan cepan quitemozque quenin momelahuaz ce necuehmololli itechpa ce tlahtlacolli; nochí quiihcuirozque, quinemilizque catlen tlaman oc achi cualli quitequihtizque ihcon amo ohui momelahuaz inon necuehmololli tlen hueliz ohui moitaz, yehhua huan occé itequiuh.

Itequiuh tlayectiliztli itechpa cequin tlahtlacolli teihuijz, teixnamiquiz huan quitequiuh tlahtolli itechcopa tlanahuatilli ica tlen tenahuatiz, tetlahtlaniloz, quitemoz tlamelahualiztli huan nochipa zan ihcuitic tequitiz in yuh tlanahuatilo, quimatiz quenin tlacaquiz, tecahuiliz mah tlanahuatiltica teixpanti huan cualli motemoz quenin momelahuaz necuehmololmeh, amo acah tlahtlacolmanaz in tlaa amo momati cualli, amo cualli ouhpa moixpantiz tlahtlacole ipampa zan inehuiyan tlahtlacolli. Noyuhquin, mochihua ce Comisión Ejecutiva tlen quipalehuiz in aquin tlaihiyohuia ipampa ce necuehmololli. Quiyequitaz queman monequi teipiloz, quihtoz cox onca occe tlaman momelahuaz necuehmololli ic amo teipiloz huan mah iciuhca moahxilti, yeceh nochipa mahuiztiloz in tlamelahualiztli itechpa cequin tlahtlacolli. Itechpa occepa moceliz in tlahtlacole mah altepeyotl cualli nemi ipan Mexihco Hueyaltepelt, mochihuaz itechcopa imahuiztiliz iminmelauhcayo in tlacah ica tlen moahxiltiz inon tlen tlanahuatiz totlanahuatihcahuan cox teipiloz nozo amo ihcon, in tlaa quema teipiloz mah nochipa quinmahuiztilican imelauhcayo in tlahtlacole, mah quincahuilican cualli tequiti huan quinextizque quenin quichihuaz, mah cualli momacti huan noihqui huel mahuiltiz, noihqui mah necuitlahuilo inacayo, itzontecon huan mah cualli mochihchicahua inacayo itechcopa mahuiltiliztli.



Onyez ce tequitl itechpa tlamelahualiztli ica tlen quintlayecoltizque in ichpocameh huan telpocameh, amo tequitiz in yuh sistema de ejecución penal, ihcon quitlayecoltizque in aquin quipixtoc mahtlac on ome ixquichca caxtol on yei xihuitl huan quipixtoc ce necuehmololli iixpan totlanahuatil ipampa oquichiuh itlah tlen tlahtlacoltic.

In Tlaxelolpilli V itechpa De los Organismos Autónomos quihtoa ica inon tlaman nechicolli quipixtoc ce nel motelnequi tequitl huan zan yectli tequitiz; tlanahuatiltica tequitl huan quipia nochí tlen itech monequi; noihqui quimati quenin tequitiz, quipia ihueliliz ica tlen cualli quipancuiz itechpa itomin huan cualli quipancuiz quenin monechicoz ic tequitiz in yuh tlanahuatia totlanahuatil, ce nezcayotl, in yuh tlanahuatia Consejo de Evaluación de la Ciudad de México tlen quiyehyecoz cox cualli mochihua ce tequitl nozo ce tlachihualiztli tlen quichihuan itequitihcahuan administración pública huan alcaldías; in Comision de Derechos Humanos de la Ciudad de México (CDHCDMX) yehhua itequiuuh quimocuitlahuiz, quichayahua huan quitemoz mah moahxilti iminmelauhcayo in tlacah; in Fiscalía General de Justicia; Instituto de Transparencia, Acceso a la Información Pública y Protección de Datos Personales tlen quicahuilia mah cualli ticahcizque tlatlaman altepetenahuatilli huan mah pialo totenahuatil tinochtin; Instituto Electoral yehhua itequiuuh quitecpnaz, quichihchihuaz huan quiixpiaz quenin tlaixpehpenaz ic moahciz aquin tlayacanaz itech Jefatura de Gobierno, diputaciones itech Congreso huan alcaldías ipan Mexihco Hueyaltepelt, noihqui quiitaz quenin centequitzque in altepechanehque itech tlatlaman tequitl ipan Tohueyaltepertzin; Instituto de Defensoría Pública tlen tetlayecoltia itechpa



defensoría pública huan tlanahuatiltica tepalehuiz ihcuac monequi momelahuaz ce tlaman tlahtlacoll huan noihqui in Tribunal Electoral de la Ciudad de México.

In Tlaxelolpilli VI itechpa De las Demarcaciones Territoriales y sus Alcaldías, quihtoa ica itlamian cehce tlalli yehhua quinextia itlaxelol cehce calpan huan quinextia quenin tecpanalo totlahtocayo ipan Mexihco Hueyaltepeltl, inon tlaxelotllalli zan icel motlanahuatiz iihtic itlanahuatihcayo, noihqui onyez ce nechicol itechcopa motlanahuatiz itlal tlen itoca alcaldía iminhuan itlacahuan, itlal huan itlanahuatihcahuan tlen macehualtin oquixpehpenque.

Monequi mah momati ica inon alcaldía quipiaz ihuelitiliz iihtic itlaltzin, itechpa itlanahuatil huan itlamán itlanahuatihcayo zan iihtic itlal, altepetequitl nozo altepetl ineizcaltiliz, tetlayecoltliztli, iminnehnemiliz in tlakah; calohtli; tlatlaman altepecan; neyolcehuiliztli; tomincayotl, neizcaltliztli, tlamachtiliztli, yuhcatiliztli huan mahuilitliztli; inecuitlahuiliz in cuauhtla, in tepetla; tlanahuatiliztli; chipauhcatequitl huan centequitl iminhuan altepechanehque; tlanahuatilmeh, tenahuatilmeh huan occe tlahtolli itechpa ce cualli tlanahuatihcayotl tlen nnochtin monequi quiahxiltizque; alcaldía digital; huan occequin tlamantli tlen quitenehuaz itlanahuatil huan quenin mochihuaz.

In Tlaxelolpilli VII itechpa Ciudad Pluricultural quiyequixmati ica in macehualtin quipian iminmelauhcayo ipan toaltepetzin huan motemoz mah moahxilti imelauhcayo in macehualtepemeh. Noyuhquin, quinahuatia mah moahxilti in tlanahuatilli



itech Declaración de las Naciones Unidas itechpa
Iminmelauhcayo Macehualaltepemeh huan temaca
huelilitzli ic mahuiztiloz macehualcopa tlanahuatiliztli
huan monequi quintlahtlanizque imintlahtol
macehaultin itechpa imintla, imincuauhtla huan nochi
imintepeyo.

In Mexihco Hueyaltepepan oncateh nepapan tlacah,
tlatlaman tlahollli huan yuhcatiliztli tlen intech pohui
macehualaltepemeh, inon tlen ye huehcauh nican
Mexihco hueyaltepepan chantin ihcuac ayocmo
ohualahque coyotlacah huan ihcuac ayocmo
moxehxelo altepetlalli in yuh axcan moixmati, huan
noihqui axcan oc quipixtoque imintlahtocayo,
imintomincayo, iminyuhcatiliz, imintlanahuatiliz,
iminnezcayo, imintlaltzin huan imintlaneltoquiliz,
mazque zan tepitzin.

In macehaultin tlen nican chantin quinextian ce tlaman
altepenechicollia ica imincentequiuh, imintomincayo
huan iminyuhcatiliz tlen intech pohuih occquin
macehualaltepemeh tlen occcean iminnelhuayo,
yeceh axcan nican Mexihco Hueyaltepepan
mochantian, itechcopia iminnehichol quinextian
iminmacehualyuhcatiliz, nochi nozo zan tepitzin;
noihqui momati ica quipixtoque iminmelauhcayo tlen
quincahuiliz itech pohuizque ce macehualaltepeli.

Noihqui motenehua ica macehaultin quipixtoque
iminmelauhcayo ihcon tlacaxoxouhcayotica cualli
quipancuizque itech tlatlaman necuehmololli, yehica
tlacaxoxouhcayotica macehaultica tlanahuatilozque ic
quiahcizque ineizcaltiliz imintomincayo, iminaltepeyo
huan iminyuhcatiliz, tlen moahxiltiz itechcopia
imintlanahuatiliz in yuh macehualaltepemeh tlen nican



Mexihco Hueyaltepetl mochantihticateh, quipixtozque iminhuelitiliz ica tlen cualli quipancuizque itech imintlanahuatihcayo tlen macehualtic ihcon cualli mozcaltz imintomincayo, imintlanahuatihcayo, iminaltepoyo, imintlamachtiliz, iminyectiliz, iminyuhcatiliz huan noihqui huel quipancuizque itechpa quenin oc achi cualli motequiuhtiz in cuauhtla, in tepetla.

Tomexihcatlanahuatil huan iminnmelauhcayo in tlacah quincahuilia in macehualtin in yuh iminnechicol ica quipian iminhuelitiliz itechpa politicayotl, tlanahuatihcayotl, huan inecuitlahuiliz in cuauhtla, in tepetla, nican moihtoa catlen inon huelitiliztli:

- Quichayahuaz huan quichicahuaz imintlanahuatihcayo, iminnechicolhuan huan imintequiyo, imintomincayo, iminaltepoyo, imintlanahuatil huan iminyuhcatiliz, noihqui mochicahuaz iminnezcayo huan iminnelhuayo;
- Mochihuaz tlahtlaniliztli itechpa tlanahuatihcayotl, tlahtocayotl nozo occe tlaman tlachihualiztli tlen monamiqui ica iminnmelauhcayo macehualtin;
- Tlanahuatiloz ica tlayectiliztli ipan macehualaltepemeh;
- Quipancuizque itechpa tlatlaman tlamatli itechpa iminneizcaltiliz huan iminnehuiyan quihtozque quenin mozcaltz imintomincayo, imintequiyo huan iminyuhcatiliz;



- Centequitzque ihcuac mochihchihua tlanahuatilli huan tlachihualiztli, motequiuhuitz huan moyehyecoz ipan Mexihco Hueyaltepelt;
- Mochihchihuaz, motlahtlaniz huan motequiuhuitz tlachihualiztli ica tlen mopializ, mocuitlahuiz, motequiuhuitz, motequitiltiz in cuauhtla, in ameyalli, atoyatl, cuentla; noyuhquin mocuitlahuiz mah mochihua xihuitl huan mah mozcaltican yolcameh, huan nochitlaman yoliztli huan itlamatiliz;
- Quipancuizque itechpa iminaltepeaxcahuan;
- Nemocuitlahuiz tlatlaman altepecan huan neahuiltican, altepecalli huan nechicolcalli, noyuhquin mah mocentoca inezcayo in macehualaltepemeh huan macehualcacalpan;
- Quichihuazque huan quinemilizque quenin mopializ, mocuitlahuiz, mochihchihuaz huan mochicahuaz iminyuhcatiliz, imincalhuan, imincuauhtlayo, imintepedyo, iminxochiyuhcatiliz, imintlamatiliz, imintlahtol huan nochitlaman imimacehualnezcayo huan imintlatemoliz in yuh macehualnechicolmeh;
- Cuali quiahcizque, quiyacanazque huan quimocuitlahuizque iminteopan huan iminteoalhuan, quipializque huan quitazque mah quimahuiztilican inon teopan, yeceh mah tlacamatiло in tlanahuatilli in yuh quitoa totlanahuatil ipan nochitotlalnanzin nozo iminaltepeuh. Quipializque,



quimocuitlahuizque huan quichicahuazque iminnezcayo tlen ye huehcauh huan inon tlen axcan oc moahci, iminhuehuecalchihualiztli, tlachihchihualli, macehualcopa tlamanli, tlamatiliztli, nochi in cualtzin tequitl, imintlahtol, imintlahtollo, imintlaneltoquiliz, iminneahcicamatiliz itechpa totlapticpac, huan nochi iminnelhuayo tlen xixiuhtica mopanoltilian;

- Mochihchihua ce tlaman tlachihualiztli ica tlen quitemozque, quichicahuazque huan momachtizque imintlahtol, iminyuhcatiliz huan imintlachihchihual; huan noihqui
- Occequin tlamanli nozo tequitl tlen intech pohuih in yuh quitenehua tlanahuatilli huan occequin tlahtolnamiquiliztli tlen huel moahci ipan Tohueytlanahuatil.

Noyuhquin, onca ce melauhcayotl itechpa cualli monechicozque huan centequitzque in altepechanehque ipan tlanahuatihcayotl, tomincayotl, altepeyotl huan yuhcatiliztli ipan Mexihco Hueyaltepelt, huan quipancuizque ica catlen tlaman monohnotzazque itech iminnantlahtoltzin. Huan iminmelauhcayo itechpa iminyuhcatiliz in tlanahuatilli quitenehua ica cualli quipializque, quichicahuazque, quitequiuhitzque, quichayahuazque, quimocuitlahuizque huan quimachtizque imintlatempohualiz, imintlahtol, iminneihmatiliz, imintlaneltoquiliz, imintlahcuiloliz huan imintlaixpohualiz, noihqui huel quintocayitzque imintlacahuan, iminaltepehuan huan occitan. No ihcon, iminmelauhcayo quincahuilia huel



quiyananazque, quipializque huan quiizcaltizque iminyuhcatiliz, iminhuehueytamatiliz, imintlaixmatiliz, iminhuehueyequiuuh, in canin huel mopoahuazque imintequiyo in tlacah, tlatlaman xinachtli huan tlamatiliztli itechpa yoliztli in yuh xihuitl, cuahuitl huan yolcameh, no ihcon mihtotiliztli huan huehue mahuilitiliztli. Huan itechpa iminnezcaltiliz in tlacah, cenza monequi momahuiztiliz iminmelauhcayo ica tlen cualli quipiazque huan quichicahuazque iminnehicolhuan itechpa imintlanahuatihcayo, imintomincayo huan imincentequeiuuh, noihqui cualli quipiazque huan quipancuizque itechpa iminaltepetecochpan, tlen zan cehce macehualaltepetl cualli quipializ.

Iminmelauhcayo itechpa tlamachtiliztli quihtoa ica monequi centequitizque iminhuan imintlanahuatihcahuan ihcon cualli motlahtolnamiquizque quenin centequitizque huan quichihuazque mah temachtilo ica macehualcopa nozo iminnantlahtoltzin.

Noihqui in macehualtin cualli quimpahmacazque huan cualli quicelizque imintetlayecoltiliz itechpa tepahtiliztli ipan tepahtiloyan tlen itech pohui Sistema de Salud Pública, no ihcon macehualcopa cualli mopahtizque in yuh oquimachtihque iminhuehueytahuan, yehica monequi mah quipialican, mah quimocuitlahuican nochipahxihuitl, yolcameh huan occequin tlamtli itechpa imimpahhui, huam mah mahuiztililoh imintepahtihcahuan.

Itechpa tlayectiliztli, in macehualtin quipixtoque iminmelauhcayo tlen quincahuiliz nochipa quipiazque ce tlahtolcuepani, itechcopia ce nechicollí



tlen ipan momachtizque in tlahtolcuepanimeh
ic cualli tepalehuizque huan mah quiixmatican
macehualyuhcatiliztli huan mah zan ihcuitic
mopohuazque in cihuah, in oquichtin.

No ihcon, itech itlamelahualliz in Poder Judicial de la Ciudad de México in canin yetozque in macehualtin, nochipa mopohuaz in tlen quihtoa tlanahuatilli itechpa iminmelauhcayo in macehualtin tlen moahci ipan tlanahuatilitzli huan tlahtolnamiquiliztli ipan nochi totlapticpac. Noihqui, onyez ce tepan tlahtohuani tlen quimpalehuiz huan tlen quiixmati iminmacehualnezcayo huan mopohuaz iminmacehualnemiliz in yuh imintomincayo, imintequiyo, iminyuhcatiliz huan imintlahtol.

In macehualtin tlen chantin itech macehualaltepemeh nozo macehualcalpan iminmelauhcayo quincahuilia cualli quimelahuazque iminsecuehmolol itechcopa iminmacehuallanahuatilitz, yeceh quimahuiztilizque iminmelauhcayo in tlakah huan quitlacamatizque Tohueytlanahuatil. Noyuhqui, momahuiztilia iminmelauhcayo in macehualtin itechpa nochitlaman iminaxcahuan in yuh imintlaltzin huan iminaltepehuan tlen tlanahuatiltica iminaxca in yuh ce tlanahuatiltica amatl itechpa imintlal, ce amatl itechpa altepetlalli nozo amatl itechpa ejido, niman on cualli quitequiuhitzque iminamauh huan imintlanahuatil ic momelahuaz ce necuehmolol itechpa tlalli.

Iminmelauhcayo quihtoa cualli quipiazque, quitequiuhitzque, quiizcaltizque, quiyacanazque huan quipancuizque itechpa imintlal, imintepetla huan nochitlen moahci ipan imincuauhtla tlen quipixtoque ipampa iminhuehuetcahuan oquinmacahque huen ye



huehcauh iminaxca imintlaltzin, noihqui mopoahuaz
occecan tlen yancuican tlanahuatiltica oquiahcihque.
In mitequitl huan tlatocatiliztli itechpa imintlatoc,
inecuitlahuil imintlaltzin huan inepializ atzintli, cenca
motelnequi ipampa nochi inon tlapalehuia onca
chipauhcaehecatl huan chipauhcaatzintli ipan Mexihco
Hueyaltepeltl, yehica monequi mahuiztililoz huan
tlaxtlahualoz.

In melauhcayo itechpa tequitl, tohueytlanahuatil
quimpalehuia in chantequitinimeh itechpa
imintequiuh, ihcon cualli tlepanitalozque, noihqui
mahuiztiliz imintequiuh huan imintlaxtlahuil, yehica
mochihchihuaz in Servicio del Registro Público
ihcon in aquin quinmaca tequitl inon tlaman
tequitinimeh cenca monequi quitocaytizque ipan inon
tlatecpnallli, in tlaa amo quichihuazque ihcon niman
on tlahtlacolchihuazque iiixpan totlanahuatil huan
monequi tlaxtlahuazque. Noihqui, nepalehuilozque in
cihuah huan huehuetzitzintin tlen macehualtin ohtlipa
tlanamacan, no ihcon in icnopipiltin tlen ohtlipa nemin.

IC CHICUACE TLAXELOLLI.

Tlen itoca Del Buen Gobierno y la Buena
Administración, inin tlaxelollti quimahuiztilia ce
melauhcayotl itechpa ce cualli tlanahuatilitzli tlen
tlacaqui, tecentlalia, yolcualli, ttlepanita, chipahuac,
tlamati, iciuhca, amo cenca tominpoloa, amo
teixhuelita huan teahcicamatini tlen cualli tetlayecoltiz
huan quiixnamiquiz in yolpalaniliztli itechcopa
itlacentaliliz tomin, yemancayotl, mahuiztiliztli, iciuhca
huan cualli tequitl, tomincayot, chipauhcatequitl,
tlalnamiquiliztli huan cualli tenahuatilli.



Onca ome Tlaxelolmeh, ic achto itechpa iixnamiquiliz yolpalanaliztli ipa Mexihco Hueyaltepetl, tlen quitoa ica nochtin altepetequitinimeh quipiazque ce nechicolli tlen quiitaz quenin motequiutiz tomin, inon nechicolmeh amo itech pohuiz imintequitiloyan. Ic ome quihtoa ica catlen tlanahuatilli yacanalozque in altepetequitinimeh in tlaa quichihuazque ce tlahtlacolli. Moihtoa imintequitihuán Mexihco Hueyaltepetl inon tlacah tlen tequitin ipan poderes Ejecutivo, Legislativo huan Judicial, imintlacahuan alcaldías, imintequitihuán occequin nechicolmeh huan nochtin tlacah tlen tetlayecoltian, tequitin, tlayacanan, tlanahuatian nozo quichihuán itlah tlen zan ihcuitic tequitl, no ihcon inon aquin quitequiuh tlanahuatian altepetomin. Onyez ce Sistema Anticorrupción, itechcopa inon nechicolli totlanahuatihcáhuan tlamocuitlahuizque, tlaixpiazque, tlatehtemozque huan tlamelahuazque inecueh molol yolpalanaliztli.

IC CHICOME TLAXELOLLI.

Tlen itoca Del carácter de capital de los Estados Unidos Mexicanos y sede de los Poderes de la Unión quitemoa mah onca nochti tlen monequi ic tlanahuatiltica huan cenza cualli quichihuazque imintequiuh in nechicolmeh itechpa huelitilitzli federales huan ipampa yehhua imintequiuh noihqui quipalehuizque in Federación itech nochti tlen monequi in yuh tlanahuatia Tohueytlanahuatil nozo Constitución Política de los Estados Unidos Mexicanos.




IC CHICUEYI TLAXELOLLI.

Tlen itoca De la Estabilidad Constitucional quihtoia in Constitución zan tlen tonalli huel mocuepazque nochizono zan itlacoton, in yuh yehhua tlanahuatia itechpa inon tlamantli, no ihcon mochihua ipampa monequi mochicahuaz tohueytlanahuatil itechpa tomelauhcayo huan totlacaxoxouhcayo ipan Mexihco Hueyaltepelt, in Constitución huan occequin itlanahuatil huel mocuepaz huan ihcon mopatlahuaz, mopializ huan moahxiltiz iminmelauhcayo in tlacah huan ayic ixhuelitlozque; noyuhquin moihtoa ica ayic huel mocuepaz ipampa zan aqui ihcon quinequi huan nochipa mocentocaz itlanahuatilhuan noyuhquin in tlaa motzaculiz totlanahuatihcayo “Zan huel mocuepaz ica altepetlanahuatihcayotl”.

OCCEQUIN TLAXELOLMEH.

Itechpa inin tlaman tlaxelolmeh tlen imintoca Artículos Transitorios de la Constitución de la Ciudad de México, tenahuatia ica inin hueytlanahuatilli constitución pehuaz tlanahuatiz ipan 17 de septiembre de 2018, amo ihcon pehuaz in tlaa onyez tlaixpehpenaliztli, in yuh tlanahuatia ic achto tlaxelolli; mah italoz in tlaxelolmeh transitorios ic momatz occequin tenahuatilli, huan occequin tlachihualiztli itechpa altepenechicolmeh huan totlanahuatihcahuan ipan Mexihco Hueyaltepelt, huan quenin tlanahuatilchihchihualo.



**Secretaría de Pueblos y Barrios Originarios
y Comunidades Indígenas Residentes**